

Преподобнаго отца нашего Мака́рия Желтово́дскаго, У́нженскаго чудотво́рца (7 августа н.ст.)

Блаже́н муж: 1-й антифо́н. На Го́споди, воззва́х: стихіры, глас 2.

Го́споди, даждь ми язы́к светлогла́сен/ уго́ждшаго Тебе́
преблаже́ннаго отца́ па́мать/ ве́рным лю́дем Твои́м возвесті́ти,/ я́коже
рече́ песнопісец Даві́д:/ честна́ пред Го́сподем смерть преподо́бных
Его́./ О́тче Богому́дре, пресве́тлый свети́льниче Мака́рие,/ мно́га у́бо
воздая́ния от Бо́га прия́л еси́,/ твои́ми чудесы́ озаря́я нас,/ пога́ныя
посрамíл еси́,/ моли́твами же твои́ми бесо́вская кова́рства вся потреби́л
еси́,/ моли́ Христа́ Бо́га/ спасти́ и просветі́ти ду́ши на́ша.

Глас проро́ка Твоего́, Го́споди, испо́лнити хотя́,/ рече́ бо Богооте́ц
Даві́д,/ поя́ и моля́ся не преста́я день и но́щь:/ удали́хся, бе́гая, и
водвори́хся в пусты́ню,/ ча́ях Бо́га, спаса́ющаго мя./ А́ще бы пусты́ня
уха́ла стру́ями слез твои́х,/ се бы, я́ко громогла́сная труба́,/ не бы почи́ла
вопи́ти трудополо́жных по́двиг твои́х:/ А́нгелы возвесели́л еси́ и
челове́ки удиви́л еси́, о́тче Мака́рие./ Преподо́бне и приснопа́мятне,/ моли́ Христа́ Бо́га/ спасти́ся душам на́шим.

Богонóсе о́тче Мака́рие,/ ты от младе́нства жесто́ким и прискорб́ным
путе́м шествовал еси́,/ добродете́лями же твои́ми,/ я́ко плодови́т
виногра́д, на высоту́ возше́л еси́,/ любо́вию Влады́це твоemú неле́стно
последова́в./ Сего́ ра́ди Небе́сный гражда́нин был еси́/ и та́мо нам у
Христа́ Бо́га покрóв испроси́ от бесо́вских искуше́ний,/ Его́же моли́
дарова́ти душам на́шим/ мир и ве́лию ми́лость.

Сла́ва, глас 4:

Ра́дуйся, всеблаже́нная главо́,/ и́же от млады́х ногте́й/ крѣпостню ума́
Бо́га Вседержі́теля утвержда́емь,/ духо́вную пи́щу Христа́ па́че всех
возлюби́л еси́,/ земны́я красото́ы, и пи́щи, и поко́й отню́д возненави́дел
еси́,/ того́ ра́ди Небе́сным сі́лам собесѣ́дник яви́лся еси́, преподо́бне./ С
ни́миже Христа́ Бо́га моли́ непреста́нно о всех нас,/ ве́рно чту́щих па́мать
твою́.

И ны́не, Богоро́дичен: И́же Тебе́ ра́ди:

Вход. Прокі́мен дне.

Премудрости Соломоновы чтение (главы 5 и 6):

Праведницы во веки живут, и в Господе мзда их,/ и попечение их у Вышняго./ Сего ради примут царствие благолепия/ и венец доброты от руки Господни,/ зане десницею покрывает я и мышцею защитит их./ Приимет всеоружие рвение свое/ и вооружит тварь в месть врагом./ Облечется в броня правды/ и возложит шлем суд нелицемерен./ Приимет щит непобедимый преподобие,/ поострит же напрасный гнев во оружие,/ споборет же с ним мир на безумных./ Пойдут праволучныя стрелы молниины/ и, яко от благокругла лука облаков, на намерение полетят,/ и от каменометныя ярости исполнь падут грады./ Вознегодует на них вода морская,/ реки же потопят я нагло./ Спротив станет им дух силы/ и, яко вихор, развеет их,/ и опустошит всю землю беззаконие,/ и злодейство превратит престолы сильных./ Слышите убо, царие, и разумейте,/ навыкните, судий концев земли./ Внушите держащие множества/ и гордящиеся о народах язык,/ яко дана есть от Господа держава вам/ и сила от Вышняго.

Премудрости Соломоновы чтение(глава 3):

Праведных души в руке Божией,/ и не прикоснется их мука./ Непщевани быша во очесех безумных умерети,/ и вменися озлобление исход их,/ и еже от нас шествие – сокрушение,/ они же суть в мире./ Ибо пред лицом человеческим аще и муку примут,/ упование их безсмертия исполнено./ И в мале наказани бывше, великими благодетельствовани будут,/ яко Бог искус я и обрете их достойны Себе./ Яко злато в горниле, искус я их/ и, яко всеплодие жертвенное, прият я./ И во время посещения их возсияют/ и, яко искры по стеблию, потекут./ Судят языком и обладают людьми,/ и воцарится Господь в них во веки./ Надеющиеся Нань разумуют истину/ и вернии в любви пребудут Ему,/ яко благодать и милость в преподобных Его/ и посещение во избранных Его.

Премудрости Соломоновы чтение (глава 4):

Праведник аще постигнет скончаться, в покое будет./ Старость бо честна не многолетна,/ ниже в числе лет исчитается./ Седина же есть мудрость человеком,/ и возраст старости житие нескверное./ Благоугоден Богу быв, возлюблен бысть/ и живой посреде грешник преставлен бысть./ Восхищен бысть, да не злоба изменит разума его/ или лесь прельстит душу его./ Рачение бо злобы помрачает добрая/ и парение похоти пременяет ум незлобив./ Скончався в мале, исполни лета

дóлга,/ угóдна бо бе Гóсподеви душá егó,/ сего́ рáди потщáся от средý лукавствия./ Лю́дие же вíдевшие и не разумéвшие,/ ни́же поло́жише в помышлénии таковóе,/ я́ко благодáть и мíлость в преподóбных Егó/ и посещéние во избрáнных Егó.

На стихóвне стихíры, глас 5:

Егдá в честнóе успéние твоё/ град и сýщия вéси вся,/ я́ко от фимиáма цёрковнаго, напóлнишася благовóния,/ тогдá познáша лю́дие твоё преподóбное преставлénие/ и стекóшася вси:/ лучáми бо чудéс всех озарíл есí./ Тем и ны́не Христá Бóга моlí/ спастíся душáм нáшим.

Стих: Честнá пред Гóсподем/ смерть преподóбных Егó.

Днесь правовéрнии лю́дие стекóшася/ в честнóе успéние твоё,/ тогдá обрётше, я́ко безцénное сокровище некра́домое,/ лицé же твоё, пáче сóлнечнаго свéта сияюще,/ всýду благовóния испóлни./ Сýщим же хромýм хождéние/ и слепýм зрénие даровáл есí./ Моlí Христá Бóга/ подáти отпу́щение согрешénием нáшим/ преслáвно совершáющим пáмять твою́.

Стих: Блажén муж, бойся Гóспода,/ в за́поведех Егó восхóщет зело́.

Тéло и ум очíстив,/ себé прíсно Святáго Дýха жили́ще соделáл есí,/ и ны́не, я́ко светíло, сияеши,/ и от многоцелéбнаго грóба твоегó непрестáнно чудесá изливáеши,/ правовéрных же людéй неизглагóланною рáдостию возвеселíл есí./ Моlí Христá Бóга спастíся душáм нáшим.

Слáва, глас 5:

Востру́бим духóвными пёсньми/ во псалмéх и пéниих,/ стецéмся в цёрковь Бóжию/ и услýшим застýпника граду́ нáшему Гáличу,/ егóже моли́твами сво́ими соблю́даёт всегдá от нашéствия сопроти́вных./ Тёмже е́мý вси тáко рцем:/ óтче Мака́рие приснопáмятне,/ предварí и избáви нас от искушéний вся́ческих,/ любóвию моля́щих тя,/ я́ко тёпла предстáтеля ко Спáсу всех Бóгу за лю́ди твоя́,/ да спасёт дýши нáша.

И ны́не, Богорóдичен: Храм и дверь есí:

Та́же, Ны́не отпу́щаеши:

Тропа́рь, глас 5:

Днесь град твой Га́лич тобо́ю хва́лится,/ в конце́х бо его́ пресвѣтло,/ я́ко ве́лие со́лнце, возсия́л еси́/ и чуде́сы твои́ми, преподо́бне Мака́рие, вся озари́л еси́./ И ны́не моли́ся Го́сподеви/ изба́виться душáм нáшим от прѣлести вра́жия/ и спасти́ся граду́ твоemú от погáнского на́ития.

Ин тропа́рь, глас 4:

Богомúдрый Желтовóдския обíтели первоздáтелю,/ Бо́гом поста́вленный мона́шескаго жити́я сто́лпе,/ благопи́санный досточúднаго по́стничества о́бразе,/ Богоздáнный Ду́ха Свята́го сосúде,/ златозáрное Ру́сския земли́ свети́ло всесвѣтлое,/ мо́лим тя, о́тче Мака́рие,/ светозáрною моли́тв твои́х луче́ю разреша́й мра́чных страсте́й нáших о́блак.

Сла́ва, и ны́не, Богоро́дичен по гласу.

НА УТРЕНИ

На Бог Госпо́дь: тропа́рь преподо́бнаго два́жды. Сла́ва, и ны́не, Богоро́дичен.

По 1-й стихоло́гии седа́лен, глас 4.

Зва́нию Го́спода твоего́ послѣдовал еси́, мир оста́вив/ и вся, яже в ми́ре, красова́ния, преблаже́нне Мака́рие:/ претерпе́л еси́ усер́дно пусты́нное озлобле́ние,/ полки́ же бесо́вския отрину́л еси́ му́жески./ Те́мже па́мять твою́ при́сно восхваля́ем пе́сньми ве́рно.

Сла́ва, и ны́не, Богоро́дичен:

Обнови́ла еси́, Чи́стая, Божѣственным Рождество́м Твои́м/ истлѣвшее во страсте́х земноро́дных ме́ртвенное существо́/ и воздвигла еси́ вся от сме́рти к животу́ нетле́ния./ Те́мже Тя по до́лгу блажи́м вси, Де́во Препросла́вленная,/ я́коже прорекла́ еси́.

По 2-й стихоло́гии седа́лен, глас 5.

По́стника Госпо́дня пе́сньми почти́м,/ я́ко умертви́вша вся прило́ги страсте́й воздержáнием тве́рдым/ и крѣпким терпе́нием войсти́нну, и посрами́вша зело́ сопроти́внаго всю горды́ню,/ и ны́не моля́щая Го́сподеви поми́ловатися душáм нáшим.

Сла́ва, и ны́не, Богоро́дичен:

Ужа́сно чу́до зача́тия и несказа́нен о́браз Рожде́ства в Тебе́ позна́ся,
Присноде́во Чи́стая,/ ужа́сает мой ум, и удиви́лет помышле́ние./ Сла́ва
Твоя́, Богоро́дице, во всех простре́ся ко спасе́нию душа́м на́шим.

По полиеле́и седа́лен, глас 1.

Погре́бл еси́ страсте́й все воста́ние умерщвле́нием плоти́, священны́й
оте́че,/ жизнь безконече́нную по сме́рти прия́л еси́./ Те́мже днесь Христо́ва
Церко́вь пра́зднует твою́ досточу́дную па́мять,/ преподо́бных украше́ние.

Сла́ва, и ны́не, Богоро́дичен:

Наста́ви нас на путь покая́ния, укло́ньшияся при́сно к безпу́тием зол/
и Преблага́го прогне́вавшия Го́спода,/ Неискусобра́чная благослове́нная
Ма́рие,/ прибёжище отча́янных челове́ков, Бо́жие жили́ще.

Степе́нна, 1-й антифо́н 4-го гласа. **Прокі́мен: Честна́ пред
Го́сподем/ смерть преподо́бных Его́.** Стих: Чтó возда́м Го́сподеви о
всех, я́же воздаде́ ми? Вся́кое дыха́ние: Ева́нгелие от Матфе́я, зача́ло 43.

По 50-м псалме́ стихира, глас 6:

Преподо́бне оте́че,/ во всю зе́млю изы́де веща́ние исправле́ний твои́х,
тем на Небесе́х обре́л еси́ мзду трудо́в твои́х,/ де́монския погуби́л еси́
полки́/ и а́нгельския дости́гл еси́ чи́ны,/ ихже жити́ю без поро́ка
поревнова́л еси́./ Дерзнове́ние име́я ко Христу́ Бо́гу,/ мир испроси́ душа́м
на́шим.

Кано́н, глас 4.

Песнь 1

Ирмо́с: *Колесни́цы фарао́новы и си́лу его́/ вве́рже в мо́ре Кре́пкий в
бра́нех,/ воспоём песнь но́вую, я́ко просла́вился.*

Весь освяще́н быв благода́тию Христо́вою, Мака́рие преподо́бне,
войсти́нну, я́ко избра́н сосу́д, Бо́гови показале́ся еси́/ и жили́ще че́стно
Свята́го Ду́ха.

От ю́ности Бо́га возлюбил еси́, преподо́бне Мака́рие,/ и Тому́ от всея́
души́ порабо́тал еси́, преблаже́нне./ И ны́не помина́й нас, пресве́тло
соверша́ющих па́мять твою́.

От страстей душевных мира сего избегл еси, преподобне,/ и в пустыню вселился еси глубокую./ Ныне же убо радуется дух твой в Небесных обителях.

Богородичен: О Тебе радуется всякое создание Божие, Мати Бога Вышняго,/ Егоже понесла еси, носящаго всяческая./ И мы, чтуще Тя воистинну, яко Богородицу в песнях величаем.

Песнь 3

Ирмос: Утверждаяй гром и созидаяй дух,/ утверди мене, Господи,/ да Тя пою истинно/ и творю волю Твою,/ яко несть свят, яко Ты, Боже наш.

Ухает твоя рака богато и даёт независтно всем исцеление,/ души же от бесовских навет избавляеши молитвами твоими, преподобне.

Отгнал еси, преподобне, от людей твоих бесовская озлобления,/ и грядущая их ополчения, яже на нас, молим тя укротити,/ яко да присно совершаем память твою.

Утверди сердце мое светло воспевати память твою, отче всеблаженне Макарие:/ пощением бо и бдением, яко Ангел, показался еси,/ в молитвах воспевая Бога, подающего нам тобою всем исцеление.

Богородичен: Всепетая Мати Божия, рождающая нам Жизнодавца и Спаса всех Бога,/ Того убо, Госпоже, моли бодренною Твоею молитвою, да спасет души наша.

Седален, глас 3:

Моля прилежно Господа и Того ради свыше велие дерзновение приыл еси,/ якоже и иновёрнии чудесем твоим дивляхуся воистинну, прехвальне Макарие:/ их бо агарянское безбожное шатание посрамил еси/ и молитвами твоими до конца их ослепил еси,/ град же и вся сущия люди в нем невреждены соблюл еси./ И ныне, преподобне, Христа Бога моли милостива быти нам днесь и во веки.

Слава, и ныне, Богородичен:

Устрашися всякое земнородное слышание,/ от недр Отческих в девицу утробу вселившаяся слышаще,/ Егоже убо пророцы провозвестиша, из Тебе воплощенна быти Сына Божия,/ Мати Дево Всепетая,/ Егоже моли спасти стадо Твое, Богородице.

Песнь 4

Ирмós: *Услы́шах, Бóже, слух Твой и убоя́хся,/ разумéх дела́ Твой и ужасóхся, Гóсподи,/ я́ко Твоего́ хвалéния испóльнъ земл́и.*

Се удал́ился ес́и, бéгая м́ира и сущих в нем/ и прилеп́ился ес́и Гóсподеви твоёму́, Влады́це и Бóгу всех,/ Емúже, пр́исно поя́, благоугоди́л ес́и, мúдре Мака́рие.

Удив́ишася а́нгельстии ли́цы твоёму́ трудолю́бию, блаже́нне,/ и мы, ве́рнии, пр́исно тя сла́вим,/ я́ко да моли́твами тво́ими избáвимся б́удущаго осужде́ния.

Украша́ется днесъ ве́рных собóр,/ торжествúя, преподо́бне, в па́мять твою́,/ погáных же со́нмища ужаса́ются,/ ви́дяще тя крéпка заступника гра́ду твоёму́ и живу́щим в нем.

Богорóдичен: Исцели́, Дéво, болéзни серде́ц на́ших,/ Тебе́ бо íмамы Помóщницу и Ходáтаицу к Сы́ну Твоёму́ и Бóгу на́шему,/ Егóже родила́ ес́и, Спа́са и Врача́ всех, источи́вшего спасéние душáм на́шим.

Песнь 5

Ирмós: *Возсия́й ми, Гóсподи, свет повелéний Твои́х,/ я́ко к Тебе́ дух мой у́тренюет и поёт Тя:/ Ты бо ес́и Бог наш,/ и к Тебе́ прибега́ю, Царю́ м́ира.*

В пусты́ни я́сно возсия́л ес́и, Богодохновéнне Мака́рие,/ нося́ во устéх твои́х непрестáнныя моли́твы./ Тем мра́чныя собла́зны и бесóвския полќи до конца́ потреб́ил ес́и.

Возгремé Илия́ на колесни́це,/ ты же, свя́те, воспева́л ес́и богодохновéнную песнь в пусты́ни,/ со А́нгелы вся́ческих Влады́ку умоля́я, е́же улучи́ти Го́рнее пребыва́ние.

Водвори́лся ес́и, блаже́нне, в Небе́сныя оби́тели,/ и со А́нгелы, преподо́бне, ликúеши в Го́рних селéниях,/ и та́мо Вседержи́теля в́ыну зри́ши Бóга,/ Егóже непрестáнно моли́ о всех нас.

Богорóдичен: В́ышша естества́ Бóга плóтию породила́ ес́и, Дéво, я́коже Сам восхотé./ Тем, ве́рнии, мо́лим Тя,/ избáвитися нам Рожде́ством Тво́им ве́чнаго мучéния.

Песнь 6

Ирмос: Буря мя помышлений, постигши,/ во глубину низвлачит мя
безмерных грехов,/ но Ты, Управителю Благий,/ предвари, управи,/ яко
пророка, и спаси мя.

Безплотных житие подражал еси, преподобне, яко Ангел непорочно
на земли пожив,/ воздержанием плотския страсти умертвил еси, отче
Макарие,/ славу же мира сего возненавидел еси, Богомудре.

Божественный глас внял еси себе, премудре,/ тем и в пустыню
водворился еси, послушанием любезно нося Крест Его./ И сего ради
потщался еси чиста себе сохранить до конца, преподобне.

Божественным мановением тебе зверие дивии в пустыни
покоряшася:/ страсти бо тебе плотския вся умиряшася./ Сего ради и
бесовская льщения посрамил еси.

Богородичен: Божественное селение Ты еси, Пречистая
Богородице:/ от Твоея бо утробы произыде Слово Отчее и бысть Бог и
Человек,/ яко да за неизреченное милосердие спасет человеческий род.

Кондак, глас 2:

Вторый Моисей явился еси, преподобне:/ он бо жезлом море
раздели,/ ты же страсти, яко Амалика, победил еси/ и непроходную
пустыню немятежным умом прошел еси,/ в нейже молитвами
твоими велие чудо сотворил еси:/ гладныя люди до изобилия
прекормил еси./ И ныне молися Господеви/ подати всем печальным
утешение,/ Макарие, отче приснопамятне,/ иже Галичестей стране и
всей Россійстей земли/ похвала и утверждение.

Икос:

Яко светозарная луча, вселенней свет возвещая, **днесь** ты, всемудре
отче Макарие,/ озарил еси Галическую страну и всю землю Россійскую
чудесы твоими,/ имиже ты Христос Бог обогатил./ Тем и вопиём ти:/
радуйся, пребогате отче Макарие,/ радуйся, еже всех постничающих
всечестное сословие./ Радуйся, яко лику святых всемудрое сочетание
показался еси,/ радуйся, преподобных всех удобрение и отцев похвало./
Радуйся, крестоносное последование по гласу Господа твоего,/ радуйся,
иже у Христа верному воинству нашему на сопротивныя победы
испрошаеши./ Радуйся, яко град наш от варварскаго наития невредим
сохраняеши,/ радуйся, яко пустынным селением светолічен венец себе

сплел еси́./ Рáдуйся, я́ко Небéснаго жите́льства смиренномúдрия рáди твоегó достíгнути сподóбился еси́,/ рáдуйся, я́ко у престо́ла Вседержите́ля Бо́га со А́нгелы ликúеши./ Рáдуйся, я́ко усéрдно Тогó за вёрныя рабы́ мо́лиши,/ рáдуйся, Мака́рие приснопа́мятне,/ и́же Га́личестей странé и всей Росси́йской земл́и вели́кая похвала́ и утвержде́ние.

Песнь 7

Ирмо́с: Глаго́лавый на горé с Моисéом/ и о́браз дéвства явлéй в купинé,/ благословéн еси́, Бо́же оте́ц на́ших.

Гласом любéзным Трoицу воспева́я,/ и я́ко Богодохновéнен о́рган яви́лся еси́, Мака́рие преподо́бне, и́же велегласно́ всем зовýй:/ благословéн Бог оте́ц на́ших.

Пусты́нная витáния богáтно получи́в, свя́те Мака́рие,/ ю́же прехождáл еси́ непрестáнною моли́твою,/ и та́мо получи́в духо́вную пи́щу, зовýй:/ благословéн Бог оте́ц на́ших.

Глаго́л Господень исполня́я,/ за́поведи Бо́га твоегó от ю́ности сохрани́л еси́, о́тче Мака́рие,/ и Тогó благода́тию возмо́гл еси́ погáных собoрища тво́ими чудесы́ удиви́ти./ Сегó рáди зовéм:/ благословéн Бог оте́ц на́ших.

Богорóдичен: Глаго́л Дев́ич Иóсиф Тя нарече́, я́ко пра́во есть:/ утробу́ же не дев́ичу, но Небéсный круг и земну́ю широту́./ Во Твое́й бо утробе́ Отчее Сло́во бысть, благословéн Бог оте́ц на́ших.

Песнь 8

Ирмо́с: Земля́ и вся, я́же на ней,/ мо́ре и вси исто́чницы,/ Небеса́ небéс, свет и тьма, мраз и зной,/ сы́нове челове́чести, свяще́нницы, благослови́те Го́спода/ и превозноси́те Егó во ве́ки.

Земна́я вся оста́вив, пи́щу же и сла́ву ми́ра сегó, я́ко прах, вмени́л еси́/ и еди́наго Бо́га возжелéл еси́, о́тче,/ Егóже моли́ пла́мень страсте́й угаси́ти в нас,/ пою́щих и превознося́щих Егó во ве́ки.

Зéмлю от младе́нства слезáми тво́ими, я́ко тучами, напои́л еси́, блаже́нне,/ по́ты же и по́двиги трудо́в тво́их ктó испове́сть?/ Ихже рáди венча́ тя Христóс в Цáрствии Своём,/ Егóже поём и превозно́сим во ве́ки.

Земля́ я́ко плодови́та, яви́лся еси́, о́тче Мака́рие:/ изне́сл бо еси́ богосаждéнный плод, вёрных пита́ющ сердца́/ бра́шном

живоно́сным Ева́нгельскаго учéния Христо́вых устéн,/ Егóже поём и превозно́сим во вéки.

Богорóдичен: Землé святáя и Непорóчная Дéво,/ из Тебé бо напоследок прозябé Христós Бог,/ я́коже кля́лся естí Авраáму, рабú Своемú, е́же умно́жити сéмя егó/ и Тобо́ю спасти́ сядя́щих во тьме./ Спаси́, Влады́чице, всех, пою́щих Тя и превознося́щих Го́спода во вéки.

Песнь 9

Ирмо́с: *Я́ко сотвори́ Мне вели́чия Си́льный,/ и Свято́ Имя Егó,/ и ми́лость Егó/ в род и род боя́щимся Егó.*

Я́ко тёпла заступника стяжа́хом тя в бранéх, óтче Мака́рие:/ пленённые бо моли́твами твоими́ свобожда́еши и неверны́я со́нмища посрамля́еши.

Я́ко со́лнце светонóсное, чудесы́ сия́еши, Мака́рие,/ и равноа́нгельно на земл́и пож́ил еси́, Богомúдре,/ Божéственней же сла́ве со А́нгелы предстоя́ти сподо́бился еси́.

Прекра́сен дом Свята́го Ду́ха яви́лся еси́/ и Царя́ всех Христá Бо́га от всея́ души́ возлюб́ил еси́,/ Егóже ра́ди в чудесéх прославля́ешися, досточúдне óтче Мака́рие преподо́бне.

Богорóдичен: Вся тварь воспева́ет Тя, Богорóдице,/ и Небéснии чино́ве Тебé велича́ют непреста́нно:/ Бо́га бо и Царя́ всех родила́ еси́, Дéво Чистая./ Егóже моли́ вся гра́ды и страны́ вёрныя соблюсти́ от наве́та вра́жия.

Свети́лен:

Влады́чню престóлу ны́не с преподо́бными ли́ки предстоя́, Богомúдре,/ моли́тися не преста́й дарова́ти победы́ во́инству на́шему на сопроти́вныя вся,/ и междоусóбныя бра́ни укрот́ити,/ и мир ми́рови устро́ити, óтче Мака́рие,/ и спасти́ ду́ши на́ша.

Сла́ва, и ны́не, Богорóдичен:

От нерукотворённых пелён небéсных о́блак/ в смире́нные пелены́ тлénныя облечéся Сло́во Óтчее,/ из Дéвы неизречéнно без сéмене родив́ся,/ Ю́же, Чистую Ма́терь, Пресла́вную Богорóдицу,/ непреста́нно поём и славосло́вим во вéки.

На хвалітех поста́вим стихо́в 4, глас 8:

О́тче Богому́дре Мака́рие,/ в ме́ру похвалы́ преподо́бных дости́гл еси́:/ смиренному́дрия же ра́ди де́монов вѣи сокруши́л еси́,/ слеза́ми же пото́ки и по́стными труды́/ ва́рваров ро́ги сломи́л еси́./ Христу́ приле́жно моли́ся, преподо́бне,/ соверше́нне испроси́ти оте́честву побѣды на сопроти́вныя.

Преподо́бне о́тче Мака́рие,/ нача́льниче мона́шествующих,/ егда́ у́бо бы́вшу гне́ву Бо́жию на лю́ди,/ тогда́ ва́рвары оби́тель твоея́ па́сты плени́ша,/ и ча́да твои́ мечи́, я́ко клáсы пожа́ша;/ моли́твами же и моле́нием твои́м/ к невече́рнему Све́ту их посла́л еси́,/ иде́же от Влады́ки всех Бо́га досто́йныя венцы́ прия́ша;/ Егóже приле́жно моли́ дарова́ти нам ве́лию ми́лость.

В Вѣ́шних ве́чная взыска́л еси́,/ до́льняя же вся, я́ко мимоше́дшая, вмени́л еси́/ и та́ко изы́щен моли́твенник показа́лся еси́./ Егда́ же у́бо от шата́ния безбо́жных ва́рвар/ непрохо́дными пусты́нями ше́ствовал еси́,/ тогда́ моли́твами твои́ми до изоби́лия бра́шно лю́дем твои́м испроси́л еси́./ И ны́не нам па́че духо́вную пи́щу от Христа́ испроси́,/ о́тче Мака́рие, преподо́бне,/ я́ко да, любо́вию в па́мь твою́ соше́дшися,/ тебѣ́ почита́ем.

Сла́ва, глас 6:

Псаломски́ пе́сньми днесь почти́м преподо́бнаго/ с весе́лием о Го́споде и па́ки рцем:/ ра́дуйся, блаже́нства тезоимени́те Мака́рие,/ ра́йскаго ра́дования напо́лнивыйся,/ и от Христа́ Бо́га нетле́нный вене́ц прия́л еси́,/ и, я́ко свети́льник пресве́тлый, ду́шу твою́ просвети́л еси́./ И ны́не та́ко пе́сньми вси возопи́ем:/ ра́дуйся, преподо́бне о́тче наш.

И ны́не, Богоро́дичен. Славосло́вие вели́кое.

И отпу́ст.

НА ЛИТУРГІИ СЛУ́ЖБА ПРЕПОДО́БНИЧЕСКАЯ.

Моли́тва

О преподо́бне и Богоно́сне о́тче наш Мака́рие! Ве́руем, я́ко ты, предстоя́ Престо́лу Пресвяты́я Тро́ицы, ве́лие имаши дерзнове́ние в моли́твах ко Всеми́лостивому Го́споду Бо́гу, И́же всегда́ послу́шает тебе́, ве́рнаго раба́ и уго́дника Своего́. Сего́ ра́ди с умиле́нием смире́нно припа́даем к тебе́, свя́тче Бо́жий, не премолчи́ о нас моли́тися ко Го́споду Бо́гу, в Тро́ице покланя́емому и сла́вимому, да ми́лостиво призре́в на ны, не попу́стит нам поги́бнути во гресéх на́ших, но да возста́вит па́дших, да пода́ст исправле́ние зло́му и ока́янному на́шему жити́ю, от грядúщих грехопадéний восхища́я, и да прости́т нам вся, ели́ка са́ми собо́ю или́ чрез други́х ко́го согреси́хом мы́слию, сло́вом и де́лом, от рождéния до сего́ часа́. Ты, подви́жнике добродéтелей, о́тче наш Мака́рие, ве́си немо́щъ естества́ на́шего и тя́жесть и скорбь вре́мен настоя́щих, моли́ у́бо в́ину Го́спода Бо́га, да нико́лже нас оставя́ет Егó неизрече́нное милосе́рдие, но да храни́т нас от мирски́х искуше́ний, от диа́вольских сетей и от плотски́х по́хотей, да при́йдем от Го́спода Бо́га тобо́ю и вся потре́бная к жи́зни вре́менной, освобождéние от бед и напа́стей, а среди́ их неосла́бное терпе́ние до конца́. Испроси́ нам у Го́спода Бо́га в ми́ре и покая́нии сконча́ти живо́т наш и невозбра́нно преи́ти от земли́ на Не́бо, мыта́рств же и бесо́в возду́шных и ве́чныя му́ки изба́виться и сподо́битися Ца́рства Небе́снаго, с тобо́ю и со все́ми святы́ми, угоди́вшими Го́споду Бо́гу и Спаси́телю на́шему Иису́су Христу́, Емúже подоба́ет вся́кая сла́ва, честь и поклонéние, со Безнача́льным Егó Отце́м и с Пресвяты́м, и Благи́м, и Животворя́щим Егó Ду́хом, ны́не, и при́сно, и во ве́ки веко́в. Ами́нь.

И́на моли́тва

Преподо́бне и Богоблаже́нне о́тче наш Мака́рие! Свети́льниче всеми́рный, мона́хов и подви́жников удо́брение, Га́личския страны́ и все́я Росси́йския земли́ засту́пниче! Неусыпа́емый и те́плый за ны, грéшныя, моли́твенниче ко Всеми́лостивому Спа́су на́шему и Бо́гу Иису́су Христу́ и ко Пресвяте́й и Пречи́стей Ма́тери Егó, Влады́чице на́шей Богоро́дице и Присноде́ве Мари́и! Мо́лим твою́ всечестну́ю святы́ню, недосто́йнии ученицы́ твой, не забуди́ ны, смире́нная ча́да твой, но я́ко чадолюби́вый о́тец посеща́й ду́хом при́сно душ на́ших немо́щъ. И́ испроси́ моли́твами твои́ми у Христа́ Бо́га на́шего, я́ко да освяти́т ду́ши на́ша и телеса́, и просвети́т наш ум и ра́зум, и очисти́т со́весть на́шу от вся́кия скве́рны, и от нечи́стых по́мыслов, и лука́вых умы́шлений, и вре́дных разумéний, и

губительнаго унынія, и избавит нас от всяких дѣмонскихъ непрестанныхъ навѣтовъ же и озлобленій дневныхъ и ночныхъ. Даруетъ же намъ искреннее покаяніе, сокрушеніе сѣрдцу, слѣзы и умиленіе, воздержаніе и трѣзвость, смиренномудріе, кротость же и безмолвіе, и чистоту душевную и телесную, нищелюбіе же и страннолюбіе, и нелицемѣрную ко другъ другу любовь и милосердіе, и всякое иноческое благоговѣніе. О всеблаженне отче нашъ Макаріе, сподоби ны послѣдовати, по силѣ нашей, святому твоему и равноангельному житію! Яко да всемілостивымъ предстательствомъ Преблагословенныя и Препрославленныя Приснодѣвы Маріи Богородицы, Небесныя Царіцы, христіанскія Заступницы и Покровительницы, и твоими святыми молитвами Преплагій Христосъ Богъ нашъ покажетъ на насъ, грѣшныхъ рабѣхъ Своихъ, благодать и милость Свою, и настоящихъ золъ и будущихъ мукъ вѣчныхъ свободитъ насъ, и сподобитъ ны наслѣдники бѣти Царствія Своего Небеснаго, славящихъ и величающихъ Его кѹпно, со Безначальнымъ Его Отцемъ, и Пресвятымъ, и Благимъ, и Животворящимъ Его Духомъ, нынѣ, и прісно, и во вѣки вѣковъ. Аминь.